



Na osnovu člana 234. n). Zakona o privrednim društvima („Službene novine Federacije Bosne i Hercegovine“ broj: 81/15) i člana 62. tačka 15. Statuta Javnog preduzeća Elektroprivreda Bosne i Hercegovine d.d. – Sarajevo, broj: SD-5211/16-38/2. od 29.03.2016. godine, Skupština Javnog preduzeća Elektroprivreda Bosne i Hercegovine d.d. - Sarajevo, dana 19.09.2016. godine, donosi:

ODLUKU
o osnivanju društva sa ograničenom odgovornošću
Tvornica transportnih uređaja energetik d.o.o. Tuzla

Član 1.

Javno preduzeće Elektroprivreda Bosne i Hercegovine d.d. - Sarajevo i Rudnik mrkog uglja Banovići d.d. Banovići, osnivaju privredno sa ograničenom odgovornošću Tvornica transportnih uređaja energetik d.o.o. Tuzla (u daljem tekstu: Društvo).

Član 2.

Firma Društva glasi: Tvornica transportnih uređaja energetik d.o.o. Tuzla.

Skraćena firma Društva glasi: TTU energetik d.o.o. Tuzla.

Društvo posluje u pravnom prometu pod punom ili skraćenom firmom.

Član 3.

Sjedište Društva je u Tuzli, ulica 18. Hrvatske brigade br. 25, Tuzla.

Član 4.

Djelatnost Društva je:

- 25.11 Proizvodnja metalnih konstrukcija i njihovih dijelova
- 25.21 Proizvodnja radijatora i kotlova za centralno grijanje
- 25.29 Proizvodnja ostalih metalnih cisterni, rezervoara i sličnih posuda
- 25.50 Kovanje, presovanje, štancovanje i valjanje metala; metalurgija praha
- 25.61 Površinska obrada i prevlačenje metala
- 25.62 Mašinska obrada metala
- 25.71 Proizvodnja sječiva
- 25.72 Proizvodnja brava i okova
- 25.73 Proizvodnja alata
- 25.92 Proizvodnja ambalaže od lakih metala
- 25.93 Proizvodnja proizvoda od žice, lanaca i opruga
- 25.94 Proizvodnja veznih i vijčanih proizvoda
- 25.99 Proizvodnja ostalih gotovih proizvoda od metala, d. n.
- 27.12 Proizvodnja uređaja za distribuciju i kontrolu električne energije

- 27.90 Proizvodnja ostale električne opreme
- 28.15 Proizvodnja ležajeva, prijenosnika te prijenosnih i pogonskih elemenata
- 28.21 Proizvodnja peći, ložišta i plamenika
- 28.22 Proizvodnja uređaja za dizanje i prenošenje
- 28.25 Proizvodnja rashladne i ventilacijske opreme, osim za domaćinstvo
- 28.29 Proizvodnja ostalih mašina za opće namjene, d. n.
- 28.30 Proizvodnja mašina za poljoprivredu i šumarstvo
- 28.49 Proizvodnja ostalih alatnih mašina
- 28.91 Proizvodnja mašina za metalurgiju
- 28.92. Proizvodnja mašina za rudnike, kamenolome i građevinarstvo
- 28.93 Proizvodnja mašina za industriju hrane, pića i duhana
- 28.94 Proizvodnja mašina za industriju tekstila, odjeće i kože
- 28.95 Proizvodnja mašina za industriju papira i kartona
- 28.99 Proizvodnja ostalih mašina za posebne namjene, d. n.
- 31.01 Proizvodnja namještaja za poslovne i prodajne prostore
- 38.32 Reciklaža posebno izdvojenih materijala
- 43.21 Elektroinstalacijski radovi
- 43.29 Ostali građevinski instalacijski radovi
- 43.33 Postavljanje podnih i zidnih obloga
- 43.34 Bojenje i staklarski radovi
- 43.39 Ostali završni građevinski radovi
- 45.11 Trgovina automobilima i motornim vozilima lake kategorije
- 45.19 Trgovina ostalim motornim vozilima
- 45.20 Održavanje i popravak motornih vozila
- 45.31 Trgovina na veliko dijelovima i priborom za motorna vozila
- 45.32 Trgovina na malo dijelovima i priborom za motorna vozila
- 46.11 Posredovanje u trgovini poljoprivrednim sirovinama, živim životinjama, tekstilnim sirovinama i poluproizvodima
- 46.12 Posredovanje u trgovini gorivima, rudama, metalima i industrijskim kemikalijama
- 46.13 Posredovanje u trgovini drvenom građom i građevinskim materijalom
- 46.14 Posredovanje u trgovini strojevima, industrijskom opremom, brodovima i avionima
- 46.15 Posredovanje u trgovini namještajem, proizvodima za kućanstvo i željeznom robom
- 46.18 Posredovanje u trgovini specijaliziranoj za određene proizvode ili grupe ostalih proizvoda
- 46.43 Trgovina na veliko električnim aparatima za kućanstvo
- 46.44 Trgovina na veliko porculanom, proizvodima od stakla i sredstvima za čišćenje
- 46.49 Trgovina na veliko ostalim proizvodima za kućanstvo
- 46.71 Trgovina na veliko krutim, tečnim i plinovitim gorivima i srodnim proizvodima
- 46.72 Trgovina na veliko metalima i metalnim rudama
- 46.73 Trgovina na veliko drvom, građevinskim materijalom i sanitarnom opremom
- 46.74 Trgovina na veliko metalnom robom, instalacijskim materijalom, uređajima i opremom za vodovod i grijanje
- 46.75 Trgovina na veliko kemijskim proizvodima
- 46.76 Trgovina na veliko ostalim poluproizvodima
- 46.77 Trgovina na veliko ostacima i otpacima
- 47.11 Trgovina na malo u nespecijaliziranim prodavnicama pretežno hranom, pićima i duhanskim proizvodima
- 47.19 Ostala trgovina na malo u nespecijaliziranim prodavnicama
- 47.30 Trgovina na malo motornim gorivima u specijaliziranim prodavnicama
- 47.41 Trgovina na malo računalima, perifernim jedinicama i softverom u specijaliziranim

- prodavnicama
- 47.52 Trgovina na malo metalnom robom, bojama i staklom u specijaliziranim prodavnicama
 - 47.54 Trgovina na malo električnim aparatima za kućanstvo u specijaliziranim prodavnicama
 - 47.59 Trgovina na malo namještajem, opremom za rasvjetu i ostalim proizvodima za kućanstvo u specijaliziranim prodavnicama
 - 47.71 Trgovina na malo odjećom u specijaliziranim prodavnicama
 - 47.72 Trgovina na malo obućom i proizvodima od kože u specijaliziranim prodavnicama
 - 47.75 Trgovina na malo kozmetičkim i toaletnim proizvodima u specijaliziranim prodavnicama
 - 47.78 Ostala trgovina na malo novom robom u specijaliziranim prodavnicama
 - 47.79 Trgovina na malo rabljenom robom u specijaliziranim prodavnicama
 - 47.89 Trgovina na malo ostalom robom na štandovima i tržnicama
 - 49.41 Cestovni prijevoz robe
 - 52.10 Skladištenje robe
 - 52.24 Prekrcaj tereta
 - 68.10 Kupnja i prodaja vlastitih nekretnina
 - 68.20 Iznajmljivanje i upravljanje vlastitim nekretninama ili nekretninama uzetim u zakup (leasing)
 - 69.20 Računovodstvene, knjigovodstvene i revizijske djelatnosti; porezno savjetovanje
 - 71.11 Arhitektonske djelatnosti
 - 71.12 Inženjerske djelatnosti i s njima povezano tehničko savjetovanje
 - 71.20 Tehničko ispitivanje i analiza
 - 72.19 Ostalo istraživanje i eksperimentalni razvoj u prirodnim, tehničkim i tehnološkim naukama
 - 73.11 Agencije za promociju (reklamu i propagandu)
 - 73.20 Istraživanje tržišta i ispitivanje javnog mnijenja
 - 77.32 Iznajmljivanje i davanje u zakup (leasing) mašina i opreme za građevinarstvo
 - 77.33 Iznajmljivanje i davanje u zakup (leasing) uredskih mašina i opreme (uključujući računare)
 - 81.21 Osnovno čišćenje zgrada
 - 82.92 Djelatnosti pakovanja

Društvo će po potrebi vršiti usklađivanje klasifikacije djelatnosti statutom Društva, odnosno izmjenama statuta Društva.

Društvo može obavljati poslove samo u okviru djelatnosti upisane u sudski registar.

Društvo može obavljati i druge poslove koji se uobičajno obavljaju uz djelatnosti upisane u registar poslovnih subjekata, u obimu i na način koji su potrebni za poslovanje, a ne predstavljaju obavljanje tih poslova kao redovne djelatnosti.

Društvo u unutrašnjem poslovanju zastupa Uprava.

Član 5.

Vanjskotrgovinsko poslovanje Društva je:

- uvoz rezervnih dijelova, reprodukcijškog materijala i opreme za obavljanje djelatnosti,
- uvoz i izvoz roba i pružanje usluga iz okvira registrovane djelatnosti,

- međunarodna špedicija,
- obavljanje vanjskotrgovinskih poslova u slobodnim zonama,
- pribavljanje i ustupanje prava industrijskog vlasništva, znanja i iskustava (know how),
- posredovanje i zastupanje u prometu roba i usluga,
- druge usluge iz strukture registrovane djelatnosti.

Društvo u vanjskotrgovinskom poslovanju zastupa Uprava.

Član 6.

Osnovni kapital Društva čine novčana sredstva u ukupnom iznosu od 10.000,00 KM (slovima: desethiljada KM).

Osnovni kapital Društva čine osnovni ulozi, koje osnivači obezbjeđuju u novcu.

Osnovni kapital Društva je podjeljen na dva uloga, čija visina – vrijednost odgovara ulozima osnivača. Vrijednost osnovnih uloga osnivača u osnovnom kapitalu Društva iznosi:

1.	JP Elektroprivreda BiH		
	- novac	8.000,00 KM	
	Ukupno	8.000,00 KM	ili 80%
2.	RMU Banovići		
	- novac	2.000,00 KM	
	Ukupno	2.000,00 KM	ili 20%

Član 7. Dokapitalizacija

Osnivači će, nakon sticanja pravne i poslovne sposobnosti Društva, a najkasnije prije kupovine nekretnina i pokretnih stvari potrebnih za obavljanje registrovanih djelatnosti Društva izvršiti dokapitalizaciju, uplatom novčanih sredstava na račun Društva i to srazmjerno njihovom učešću u osnovnom kapitalu Društva.

Član 8.

Društvo može pribavljati dodatna sredstva povećanjem osnovnog kapitala na osnovu odluke skupštine Društva, uplatom ili unošenjem novih uloga na način utvrđen zakonom.

Član 9.

Organi Društva su:

1. Skupština
2. Nadzorni odbor
3. Uprava

Član 10.

Skupštinu Društva sačinjavaju članovi Društva.

Članove Društva u Skupštini predstavljaju lica koja članovi Društva pismeno ovlaste.

Predsjedavajući Skupštine je ovlašten predstavnik većinskog vlasnika Društva.

Član 11.

Nadzorni odbor ima 3 (tri) člana – predsjednika i 2 (dva) člana, koje imenuje i razrješava Skupština Društva.

Od ukupnog broja članova Nadzornog odbora, 2 (dva) člana se imenuju ispred JP Elektroprivreda BiH d.d. - Sarajevo, a 1 (jedan) ispred RMU Banovići d.d. Banovići.

Član 12.

Upravu Društva čini Direktor, Izvršni direktor za tehničke poslove i Izvršni direktor za funkcije potpore.

Član 13.

Ukoliko se desi događaj na koje ugovorne strane ne mogu utjecati, a koji za posljedicu ima onemogućavanje osnivanja privrednog društva Tvornica transportnih uređaja energetik d.o.o. Tuzla, ova Odluka će se staviti van snage, odnosno u slučaju potrebe izvršiti će se izmjene i dopune ove Odluke.

Događaj iz prethodnog stava obuhvata, ali nije ograničen, na zabrane i odluke državnih organa npr. Konkurencijskog vijeća i dr.

Član 14.

Društvo se osniva na neodređeno vrijeme.

Član 15.

Društvo će osnovati i registrirati supsidijarno (zavisno) društvo na području općine Banovići, koje bi se bavilo istom djelatnošću kao i Društvo, što će se, na bazi utvrđivanja tehnoeкономске opravdanosti, urediti posebnim aktima u skladu sa zakonom.

Član 16.

Odobrava se tekst Ugovora o osnivanju društva sa ograničenom odgovornošću Tvornica transportnih uređaja energetik d.o.o. Tuzla, koji je u prilogu ove Odluke.

Ovlašćuju se Generalni direktor Bajazit Jašarević i Izvršni direktor za proizvodnju, dr. sc. Nevad Ikanović, da ispred Javnog preduzeća Elektroprivreda Bosne i Hercegovine d.d. – Sarajevo, zaključe Ugovor o osnivanju društva sa ograničenom odgovornošću Tvornica transportnih uređaja energetik d.o.o. Tuzla.

Član 17.

Ova Odluka stupa na snagu danom donošenja.

Broj: SD - 26072/16 – 41./9.
Sarajevo, 19.09.2016. godine



Predsjednik
Skupštine Društva
Jasmina Pašić

*Prilog Odluke o osnivanju
društva sa ograničenom
odgovornošću Tvornica
transportnih uređaja
energetik d.o.o. Tuzla
broj SD-26072/16-41./9.
od 19.09.2016. godine*

U G O V O R
o osnivanju društva sa ograničenom odgovornošću
Tvornica transportnih uređaja energetik d.o.o. Tuzla

zaključen između

Javnog preduzeća Elektroprivreda Bosne i Hercegovine d.d. - Sarajevo,
ulica Vilsonovo šetalište 15, Sarajevo, Bosna i Hercegovina

i

Rudnik mrkog uglja Banovići d.d. Banovići,
ulica Armije BiH 52, Banovići, Bosna i Hercegovina,

Na osnovu člana 304. stav 1. i 306. Zakona o privrednim društvima („Službene novine Federacije Bosne i Hercegovine“ broj: 81/15)

1. **Javno preduzeće Elektroprivreda Bosne i Hercegovine d.d. - Sarajevo**, Sarajevo, ulica Vilsonovo šetalište br.15, Bosna i Hercegovina, koje zastupa Generalni direktor Bajazit Jašarević i Izvršni direktor za proizvodnju, dr. sc. Nevad Ikanović (u daljem tekstu JP Elektroprivreda BiH d.d. - Sarajevo) s jedne strane
2. **Rudnik mrkog uglja Banovići d.d. Banovići**, ulica Armije BiH 52, Banovići, Bosna i Hercegovina, kojeg zastupa Generalni direktor dr. sc. Munever Čerčić (u daljem tekstu RMU Banovići d.d. Banovići) i _____ s druge strane

zaključuju dana _____ 2016. godine u Sarajevu, slijedeći

UGOVOR
o osnivanju društva sa ograničenom odgovornošću
Tvornica transportnih uređaja energetik d.o.o. Tuzla

Član 1.
Predmet Ugovora

Ovim Ugovorom Javno preduzeće Elektroprivreda Bosne i Hercegovine d.d. - Sarajevo i Rudnik mrkog uglja Banovići d.d. Banovići (u daljem tekstu: osnivači ili članovi) osnivaju društvo sa ograničenom odgovornošću (u daljem tekstu Društvo), radi sticanja dobiti.

Društvo stiče svojstvo pravnog lica danom upisa sudski registar.

Društvo počinje obavljati svoju djelatnost nakon upisa u registar društava i objavljivanja registracije u skladu sa zakonom kojim se uređuje registracija privrednih društava.

Član 2.
Osnivači Društva

Osnivači Društva su:

1. Javno preduzeće Elektroprivreda Bosne i Hercegovine d.d. - Sarajevo, ul. Vilsonovo šetalište broj 15., Sarajevo, registrovano kod Kantonalnog suda u Sarajevu broj: UF/I-392/04 (novi broj: 65-02-0017-11) od 20.05.2004. godine i
2. Rudnik mrkog uglja Banovići d.d. Banovići, ul. Armije BiH 52, Banovići, registrovana kod Kantonalnog suda u Tuzli, broj: U/I-0891/98 od 31.12.1998. godine.

Član 3.
Firma i Društva

Firma Društva glasi: Tvornica transportnih uređaja energetik d.o.o. Tuzla

Skraćena firma Društva glasi: TTU energetik d.o.o. Tuzla

Društvo posluje u pravnom prometu pod punom ili skraćenom firmom.

Firma Društva ili skraćena firma ističe se na poslovnim prostorijama Društva.
O promjeni firme i sjedišta Društva odlučuje Skupština Društva.

Član 4. Sjedište Društva

Sjedište Društva je u Tuzli, ulica 18. Hrvatske brigade br.25, Tuzla.

Član 5. Pečat Društva

U pravnom prometu Društvo upotrebljava svoj pečat.

Društvo ima dva pečata, a isti sadrže firmu ili skraćenu firmu Društva i njegovo sjedište.

Uprava Društva propisuje veličinu, broj, oblik i boju slova i znakova, te način upotrebe pečata.

Član 6. Djelatnost Društva

Djelatnost Društva je:

U skladu sa Zakonom o klasifikaciji djelatnosti u Federaciji Bosne i Hercegovine ("Službene novine Federacije BiH", broj 64/07) i Odlukom o klasifikaciji djelatnosti Bosne i Hercegovine 2010 ("Službeni glasnik BiH", broj 47/10) djelatnosti Društva je:

- 25.11 Proizvodnja metalnih konstrukcija i njihovih dijelova
 - 25.21 Proizvodnja radijatora i kotlova za centralno grijanje
 - 25.29 Proizvodnja ostalih metalnih cisterni, rezervoara i sličnih posuda
 - 25.50 Kovanje, presovanje, štancovanje i valjanje metala; metalurgija praha
 - 25.61 Površinska obrada i prevlačenje metala
 - 25.62 Mašinska obrada metala
 - 25.71 Proizvodnja sječiva
 - 25.72 Proizvodnja brava i okova
 - 25.73 Proizvodnja alata
 - 25.92 Proizvodnja ambalaže od lakih metala
 - 25.93 Proizvodnja proizvoda od žice, lanaca i opruga
 - 25.94 Proizvodnja veznih i vijčanih proizvoda
 - 25.99 Proizvodnja ostalih gotovih proizvoda od metala, d. n.
 - 27.12 Proizvodnja uređaja za distribuciju i kontrolu električne energije
 - 27.90 Proizvodnja ostale električne opreme
 - 28.15 Proizvodnja ležajeva, prijenosnika te prijenosnih i pogonskih elemenata
 - 28.21 Proizvodnja peći, ložišta i plamenika
 - 28.22 Proizvodnja uređaja za dizanje i prenošenje
 - 28.25 Proizvodnja rashladne i ventilacijske opreme, osim za domaćinstvo
 - 28.29 Proizvodnja ostalih mašina za opće namjene, d. n.
 - 28.30 Proizvodnja mašina za poljoprivredu i šumarstvo
 - 28.49 Proizvodnja ostalih alatnih mašina
 - 28.91 Proizvodnja mašina za metalurgiju
 - 28.92. Proizvodnja mašina za rudnike, kamenolome i građevinarstvo
 - 28.93 Proizvodnja mašina za industriju hrane, pića i duhana
 - 28.94 Proizvodnja mašina za industriju tekstila, odjeće i kože
 - 28.95 Proizvodnja mašina za industriju papira i kartona
-

-
- 28.99 Proizvodnja ostalih mašina za posebne namjene, d. n.
 - 31.01 Proizvodnja namještaja za poslovne i prodajne prostore
 - 38.32 Reciklaža posebno izdvojenih materijala
 - 43.21 Elektroinstalacijski radovi
 - 43.29 Ostali građevinski instalacijski radovi
 - 43.33 Postavljanje podnih i zidnih obloga
 - 43.34 Bojenje i staklarski radovi
 - 43.39 Ostali završni građevinski radovi
 - 45.11 Trgovina automobilima i motornim vozilima lake kategorije
 - 45.19 Trgovina ostalim motornim vozilima
 - 45.20 Održavanje i popravak motornih vozila
 - 45.31 Trgovina na veliko dijelovima i priborom za motorna vozila
 - 45.32 Trgovina na malo dijelovima i priborom za motorna vozila
 - 46.11 Posredovanje u trgovini poljoprivrednim sirovinama, živim životinjama, tekstilnim sirovinama i poluproizvodima
 - 46.12 Posredovanje u trgovini gorivima, rudama, metalima i industrijskim kemikalijama
 - 46.13 Posredovanje u trgovini drvenom građom i građevinskim materijalom
 - 46.14 Posredovanje u trgovini strojevima, industrijskom opremom, brodovima i avionima
 - 46.15 Posredovanje u trgovini namještajem, proizvodima za kućanstvo i željeznom robom
 - 46.18 Posredovanje u trgovini specijaliziranoj za određene proizvode ili grupe ostalih proizvoda
 - 46.43 Trgovina na veliko električnim aparatima za kućanstvo
 - 46.44 Trgovina na veliko porculanom, proizvodima od stakla i sredstvima za čišćenje
 - 46.49 Trgovina na veliko ostalim proizvodima za kućanstvo
 - 46.71 Trgovina na veliko krutim, tečnim i plinovitim gorivima i srodnim proizvodima
 - 46.72 Trgovina na veliko metalima i metalnim rudama
 - 46.73 Trgovina na veliko drvom, građevinskim materijalom i sanitarnom opremom
 - 46.74 Trgovina na veliko metalnom robom, instalacijskim materijalom, uređajima i opremom za vodovod i grijanje
 - 46.75 Trgovina na veliko kemijskim proizvodima
 - 46.76 Trgovina na veliko ostalim poluproizvodima
 - 46.77 Trgovina na veliko ostacima i otpacima
 - 47.11 Trgovina na malo u nespecijaliziranim prodavnicama pretežno hranom, pićima i duhanskim proizvodima
 - 47.19 Ostala trgovina na malo u nespecijaliziranim prodavnicama
 - 47.30 Trgovina na malo motornim gorivima u specijaliziranim prodavnicama
 - 47.41 Trgovina na malo računalima, perifernim jedinicama i softverom u specijaliziranim prodavnicama
 - 47.52 Trgovina na malo metalnom robom, bojama i staklom u specijaliziranim prodavnicama
 - 47.54 Trgovina na malo električnim aparatima za kućanstvo u specijaliziranim prodavnicama
 - 47.59 Trgovina na malo namještajem, opremom za rasvjetu i ostalim proizvodima za kućanstvo u specijaliziranim prodavnicama
 - 47.71 Trgovina na malo odjećom u specijaliziranim prodavnicama
 - 47.72 Trgovina na malo obućom i proizvodima od kože u specijaliziranim prodavnicama
 - 47.75 Trgovina na malo kozmetičkim i toaletnim proizvodima u specijaliziranim prodavnicama
 - 47.78 Ostala trgovina na malo novom robom u specijaliziranim prodavnicama
 - 47.79 Trgovina na malo rabljenom robom u specijaliziranim prodavnicama
 - 47.89 Trgovina na malo ostalom robom na štandovima i tržnicama
 - 49.41 Cestovni prijevoz robe
 - 52.10 Skladištenje robe
 - 52.24 Prekrcaj tereta
 - 68.10 Kupnja i prodaja vlastitih nekretnina
 - 68.20 Iznajmljivanje i upravljanje vlastitim nekretninama ili nekretninama uzetim u zakup
-

(leasing)

- 69.20 Računovodstvene, knjigovodstvene i revizijske djelatnosti; porezno savjetovanje
- 71.11 Arhitektonske djelatnosti
- 71.12 Inženjerske djelatnosti i s njima povezano tehničko savjetovanje
- 71.20 Tehničko ispitivanje i analiza
- 72.19 Ostalo istraživanje i eksperimentalni razvoj u prirodnim, tehničkim i tehnološkim naukama
- 73.11 Agencije za promociju (reklamu i propagandu)
- 73.20 Istraživanje tržišta i ispitivanje javnog mnijenja
- 77.32 Iznajmljivanje i davanje u zakup (leasing) mašina i opreme za građevinarstvo
- 77.33 Iznajmljivanje i davanje u zakup (leasing) uredskih mašina i opreme (uključujući računare)
- 81.21 Osnovno čišćenje zgrada
- 82.92 Djelatnosti pakovanja

Društvo će po potrebi vršiti usklađivanje klasifikacije djelatnosti statutom Društva, odnosno izmjenama statuta Društva.

Društvo može obavljati poslove samo u okviru djelatnosti upisane u sudski registar.

Društvo može obavljati i druge poslove koji se uobičajno obavljaju uz djelatnosti upisane u registar poslovnih subjekata, u obimu i na način koji su potrebni za poslovanje, a ne predstavljaju obavljanje tih poslova kao redovne djelatnosti.

Član 7.

Vanjskotrgovinsko poslovanje Društva

Vanjskotrgovinsko poslovanje Društva je:

- uvoz rezervnih dijelova, reprodukcijaskog materijala i opreme za obavljanje djelatnosti,
- uvoz i izvoz roba i pružanje usluga iz okvira registrovane djelatnosti,
- međunarodna špedicija,
- obavljanje vanjskotrgovinskih poslova u slobodnim zonama,
- pribavljanje i ustupanje prava industrijskog vlasništva, znanja i iskustava (know how)
- posredovanje i zastupanje u prometu roba i usluga,
- druge usluge iz strukture registrovane djelatnosti.

Društvo u vanjskotrgovinskom poslovanju zastupa Uprava.

Član 8.

Podružnice Društva

Društvo može osnovati podružnice, u skladu sa vežećim pozitivnim propisima.

Društvo će osnovati i registrirati supsidijarno (zavisno) društvo na području općine Banovići, koje bi se bavilo istom djelatnošću kao i Društvo, što će se, na bazi utvrđivanja tehnookonomske opravdanosti, urediti posebnim aktima u skladu sa zakonom.

Član 9. Osnovni kapital i ulozi

Osnovni kapital Društva čine novčana sredstva u ukupnom iznosu od 10.000,00 KM (slovima: deset hiljada KM).

Osnovni kapital Društva čine osnovni ulozi, koje osnivači obezbjeđuju u novcu.

Osnovni kapital Društva je podjeljen na dva uloga, čija visina – vrijednost odgovara ulozima osnivača. Vrijednost osnovnih uloga osnivača u osnovnom kapitalu Društva iznosi:

1.	JP Elektroprivreda BiH		
	- novac	8.000,00 KM	
	Ukupno	8.000,00 KM	ili 80%
2.	RMU Banovići		
	- novac	2.000,00 KM	
	Ukupno	2.000,00 KM	ili 20%

Član 10. Dokapitalizacija

Osnivači će, nakon sticanja pravne i poslovne sposobnosti Društva, a najkasnije prije kupovine nekretnina i pokretnih stvari potrebnih za obavljanje registrovanih djelatnosti Društva izvršiti dokapitalizaciju, uplatom novčanih sredstava na račun Društva, i to srazmjerno njihovom učešću u osnovnom kapitalu Društva.

Član 11. Neizvršavanje uplate uloga

Osnivač koji ne izvrši uplatu uloga ili dokapitalizacije predviđene ovim Ugovorom, u ugovorenom roku dužan je platiti zateznu zakonsku kamatu i naknaditi društvu i drugom osnivaču štetu koju pretrpe usljed njegove docnje.

Društvo može putem suda tražiti uplatu uloga iz člana 9. ovog Ugovora.

Član 12. Knjiga udjela

Evidencija o članovima Društva i njihovim udjelima se vodi u knjizi udjela, koju u skladu sa zakonom, vodi Uprava Društva.

Član 13. Sticanje sredstava za rad Društva

Društvo svojim poslovanjem stvara sredstva potrebna za vršenje svoje djelatnosti.

Društvo može sticati sredstva po osnovu kredita ili po drugim osnovama utvrđenim zakonom.

Član 14.

Povećanje uloga i osnovnog kapitala

Društvo može pribavljati dodatna sredstva povećanjem osnovnog kapitala na osnovu odluke skupštine Društva, uplatom ili unošenjem novih uloga na način utvrđen zakonom.

Član 15.

Pravni promet

Sredstva Društva su u pravnom prometu.

Društvo ima pravo da u pravnom prometu zaključuje ugovore, vrši druge pravne poslove i radnje u okviru svoje pravne sposobnosti neograničeno na području Bosne i Hercegovine i inostranstvu, u skladu sa pozitivnim propisima.

Član 16.

Odgovornost za obaveze Društva

Društvo za svoje obaveze odgovara cjelokupnom svojom imovinom.

Osnivači za obaveze Društva odgovaraju svojim ulozima.

Član 17.

Istupanje u pravnom prometu

Društvo je samostalno u vršenju svoje djelatnosti.

U pravnom prometu s trećim licima Društvo, za poslove iz registrovane djelatnosti, istupa u svoje ime i za svoj račun.

Član 18.

Prava osnivača

Osnivačima pripada pravo na upravljanje Društvom i pravo na učešće u dobiti Društva srazmjerno njihovom udjelu u osnovnom kapitalu.

Udio osnivača Društva je srazmjeran učešću njegovog uloga u osnovnom kapitalu Društva.

Član 19.

Pravo glasa

Osnivači pravo glasa u Društvu ostvaruju putem skupštine Društva, srazmjerno svom udjelu.

Član 20.

Prenos udjela i pravo preče kupnje kod prenosa udjela

Udjeli se mogu prenositi.

U slučaju prenosa udjela, isti će se vršiti u skladu sa odedbama pozitivnih propisa.

Osnivač koji namjerava prenijeti udjel trećem licu dužan je prethodno, pod istim uvjetima, dati, putem uprave Društva, pismenu ponudu drugom osnivaču, koji ima pravo preče kupnje.

Ako osnivač, koji ima pravo preče kupnje u pismenoj formi preko uprave Društva ne prihvati ponudu ili izjavi interes, a posao ne bude zaključen, u roku od 30 dana, član koji je dao ponudu može, pod uvjetima koji ne mogu biti povoljniji od ponude iz stava 2. ovog člana, prodati svoj udio trećim licima.

U slučaju prenosa udjela, isti će se vršiti u skladu sa odredbama pozitivnih propisa.

Član 21. Djeljenje udjela

Udjeli se mogu dijeliti na idealne dijelove za potrebe prijenosa, o čemu odluku donosi Skupština Društva, ali ne prije isteka 1 (jedne) godine od dana upisa osnivanja Društva u sudski registar.

Za prenošenje dijela udjela primjenjuju se odredbe prethodnog člana.

Član 22. Pravni učinak prenosa udjela

Prijenos udjela proizvodi pravni učinak prema Društvu i trećim licima od trenutka upisa u knjigu udjela.

Ako nije upisan u knjigu udjela prenos udjela proizvodi pravni učinak prema Društvu od dana zaključivanja pravnog posla.

Član 23. Lojalnost Društvu

Osnivači su dužni da budu lojalni Društvu i da ni jednim činom, pravnom ili faktičkom radnjom ne doprinesu nastanku štete Društvu ili drugom članu, niti umanjenju ugleda Društva.

Osnivači Društva će se posebno suzdržati od pravnih radnji kojim se konkuriše Društvu u uspješnom vršenju njegove djelatnosti, te kojim se stvara konfliktnost interesa sa Društvom ili drugim članom.

Osnivači Društva odgovaraju za štetu Društvu ili drugom članu, pričinjenu radnjama iz prethodnog stava.

Član 24. Ostala prava i obaveze osnivača

Statutom Društva se mogu utvrditi ostala prava i obaveze osnivača.

Član 25. Raspodjela dobiti

Raspodjela dobiti se vrši na osnovu godišnjeg obračuna Društva na kraju poslovne godine.

Dobit koja ostane nakon podmirenja zakonskih, ugovornih i obaveza po drugim osnovama, pripada članovima srazmjerno njihovom učešću u osnovnom kapitalu.

Član 26.
Fond rezervi

Društvo će formirati fond rezervi iz dobiti i drugih izvora u skladu sa pozitivnim propisima.

Član 27.
Reinvestiranje dobiti

Članovi mogu svoju dobit reinvestirati u dalji razvoj Društva ili za unaprijeđenje njegove djelatnosti u skladu sa pozitivnim propisima.

Član 28.
Rizik poslovanja

Rizik u poslovanju Društva snose osnivači do visine svog uloga.

Član 29.
Pokrivanje gubitka

Ako Društvo iskaže gubitak isti će se prvenstveno pokriti iz sredstava Društva, a zatim iz ostalih sredstava koja se, u skladu sa propisima mogu koristiti za pokriće gubitaka.

U slučaju pokrivanja gubitka sredstvima osnovnog kapitala, uložni pojedini članovi će se smanjiti srazmjerno njihovom učešću u osnovnom kapitalu Društva, vodeći računa o zakonskom minimumu osnovnog kapitala za oblik pod kojim je osnovano Društvo.

Članovi Društva mogu gubitak pokriti dodatnim uplatama, o čemu se, na Skupštini Društva donosi jednoglasna odluka svih članova Društva.

Član 30.
Organi Društva

Organi Društva su:

1. Skupština
2. Nadzorni odbor
3. Uprava

Član 31.
Skupština

Skupštinu Društva sačinjavaju članovi Društva.

Članove Društva u Skupštini predstavljaju lica koja članovi Društva pismeno ovlaste.

Predsjedavajući Skupštine je ovlašten predstavnik većinskog vlasnika Društva.

Član 32.
Sazivanje Skupštine Društva

Skupština se saziva po potrebi, a najmanje jedanput godišnje.

Skupština se obavezno saziva kada Društvo ostvari gubitak veći od petine osnovnog kapitala prema posljednjem godišnjem obračunu.

Skupštinu saziva Uprava Društva po vlastitoj inicijativi, po pisanom zahtjevu člana Uprave, Nadzornog odbora Društva, člana Nadzornog odbora Društva ili člana Društva.

Sazivanje Skupštine Društva se vrši na način i u postupku utvrđen zakonom i Statutom Društva.

Član 33. **Glasovi članova Društva**

Ukupan iznos osnovnog kapitala Društva predstavljen je u Skupštini sa 100 glasova, a članovi Društva imaju broj glasova srazmjern njihovom udjelu u osnovnom kapitalu Društva, odnosno:

JP Elektroprivreda BiH - d.d. - Sarajevo	80
RMU Banovići d.d. Banovići	20

Član 34. **Nadležnosti Skupštine**

Skupština Društva odlučuje o:

1. odlučuje o povećanju i smanjenju osnovnog kapitala,
2. odlučuje o usvajanju godišnjeg izvještaja Društva, koji uključuje finansijski izvještaj i izvještaje revizora, Nadzornog odbora,
3. odlučuje o raspodjeli dobiti na prijedlog Nadzornog odbora,
4. odlučuje o načinu pokrića gubitka,
5. donosi Statut, kao i izmjene i dopune odredaba Statuta, saglasno zakonu,
6. odlučuje o spajanju sa drugim društvima i pripajanju drugih društava Društvu ili pripajanju Društva drugom društvu,
7. odlučuje o promjeni oblika i podjeli Društva,
8. odlučuje o prestanku Društva sa provođenjem likvidacije i o odobravanju početnog likvidacionog bilansa i završnog računa po okončanju postupka likvidacije,
9. odlučuje o kupovini, prodaji, zamjeni, uzimanju u lizing, uzimanju kredita i drugim transakcijama imovinom, direktno ili posredstvom zavisnih društava, u toku poslovne godine u obimu većem od 33% knjigovodstvene vrijednosti imovine Društva po bilansu stanja na kraju prethodne godine, na prijedlog Uprave i Nadzornog odbora,
10. odlučuje o izboru i razrješenju članova Nadzornog odbora pojedinačno,
11. odlučuje o naknadama članovima Nadzornog odbora,
12. utvrđuje razvojnu i poslovnu politiku Društva,
13. izboru vanjskog revizora,
14. razmatra izvještaje Nadzornog odbora i vanjskog revizora,
15. odlučuje i o drugim pitanjima bitnim za poslovanje Društva, u skladu s zakonom i statutom Društva.

Sva ostala pitanja vezana za rad i odlučivanje Skupštine detaljnije urediti statutom Društva.

Član 35. **Nadzorni odbor**

Nadzorni odbor ima 3 (tri) člana – predsjednika i 2 (dva) člana, koje imenuje i razrješava Skupština Društva.

Od ukupnog broja članova Nadzornog odbora, 2 (dva) člana se imenuju ispred JP Elektroprivreda BiH d.d. - Sarajevo, a 1 (jedan) ispred RMU Banovići d.d. Banovići.

Predsjednik i članovi Nadzornog odbora mogu biti lica koja ispunjavaju uvjete predviđene zakonom, kao i aktima osnivača.

Predsjednik i članovi Nadzornog odbora zaključuju sa Društvom ugovor kojim se regulišu njihova prava, obaveze i odgovornosti.

Ugovor iz prethodnog stava, u ime i za račun Društva, sa predsjednikom i članovima Nadzornog odbora, zaključuje direktor Društva, na osnovu prethodne saglasnosti Skupštine Društva.

Član 36. Nadležnosti Nadzornog odbora

Nadzorni odbor Društva nadležan je da:

1. nadzire poslovanje Društva,
2. usvaja poslovne strategije Društva i planove poslovanja,
3. nadzire rad Uprave Društva,
4. odobrava odluke strateškog karaktera,
5. usvaja Izvještaj Uprave o poslovanju po polugodišnjem obračunu i godišnjem obračunu, sa bilansom stanja i bilansom uspjeha i Izvještajem revizije,
6. podnosi Skupštini godišnji Izvještaj o poslovanju Društva koji obavezno uključuje finansijski izvještaj i izvještaje revizora, Izvještaj o radu Nadzornog odbora,
7. bira predsjednika Nadzornog odbora,
8. imenuje i razrješava Direktora, izvršne direktore,
9. predlaže raspodjelu i način upotrebe dobiti i način pokrića gubitka,
10. odobrava kupovinu, prodaju, zamjenu, uzimanje u leasing i druge transakcije imovinom, direktno ili posredstvom zavisnih društava u toku poslovne godine u obimu od 15% do 33% knjigovodstvene vrijednosti ukupne imovine Društva, po bilansu stanja na kraju prethodne godine, kao i u manjem obimu u skladu sa posebnom odlukom Nadzornog odbora,
11. predlaže Skupštini kupovinu, prodaju, uzimanje ili davanje u leasing, uzimanje ili davanje kredita i druge transakcije imovinom, direktno ili posredstvom zavisnih društava u toku poslovne godine u obimu većem od 33% knjigovodstvene vrijednosti ukupne imovine Društva, po bilansu stanja na kraju prethodne godine,
12. daje pisano ovlaštenje za ograničene aktivnosti, utvrđene ovim Statutom,
13. obrazuje povremene komisije i druga tijela i utvrđuje njihov sastav i zadatke,
14. donosi opće akte iz svoje nadležnosti,
15. utvrđuje prijedloge akata o kojima odlučuje Skupština Društva,
16. donosi odluku o osnivanju i prestanku podružnice
17. odlučuje i o drugim pitanjima u skladu sa zakonom i statutom Društva.

Sva ostala pitanja vezana za rad i odlučivanje Nadzornog odbora će se detaljnije urediti statutom Društva.

Član 37. Uprava

Uprava Društva organizuje rad i rukovodi poslovanjem Društva, zastupa i predstavlja Društvo i odgovara za zakonitost poslovanja Društva.

Upravu Društva čini Direktor, Izvršni direktor za tehničke poslove i Izvršni direktor za funkcije potpore.

Član 38. Ovlaštenja i odgovornosti Uprave

Ovlaštenja i odgovornosti članova Uprave Društva će se urediti statutom Društva.

Član 39. Ugovor sa članom Uprave

Položaj, ovlaštenja, odgovornosti i prava članova Uprave Društva uređuju se ugovorom između Nadzornog odbora i člana Uprave.

Član 40. Istupanje i isključenje člana Društva

Član društva ima pravo tužbom kod suda tražiti istupanje iz društva, ako su mu ostali članovi ili organi društva prouzrokovali štetu ili je spriječen ispunjavati svoje obaveze, ili mu društvo nameće nesrazmjerne obaveze.

Član Društva može biti isključen iz Društva iz opravdanih razloga, a posebno ukoliko Društvu svojim skrivljenim ponašanjem počini veću štetu ili umanju dobit Društva putem nelojalne konkurencije, kao i u slučaju da je nad imovinom člana Društva otvoren stečajni ili likvidacioni postupak.

Član Društva koji svojim postupcima, neispunjavanjem obaveza i nepridržavanjem odredbi ovog Ugovora ili drugim protivpravnim radnjama nanosi štetu Društvu i narušava njegov ugled može biti isključen iz Društva

Svaki član Društva može istupiti iz Društva, s tim da svoje istupanje mora najaviti 6 mjeseci unaprijed.

Svoje pravo na istupanje iz Društva, član ne može koristiti prije isteka 1 godine od dana početka rada Društva.

Član 41. Odluka o istupanju ili isključenju člana Društva

Odluku o prestanku članstva u Društvu istupanjem, odnosno isključenjem donosi Skupština Društva.

Član Društva koji istupa iz Društva, odnosno koji je isključen, dužan je izmiriti svoje, do tada, neizmirene obaveze prema Društvu.

O načinu donošenja i sadržaju odluke o isključenju člana Društva primjeniti će se odredbe zakona.

Član 42.
Posljedice istupanja i isključenja

Posljedice istupanja, odnosno isključenja su prestanak članstva u Društvu tog člana Društva, kao i prestanak svih prava koja iz tog proizilaze.

Član Društva iz prethodnog stava ima pravo na naknadu tržišne vrijednosti udjela na dan prestanka članstva.

Član 43.
Prestanak Društva

Društvo prestaje sa radom iz razloga utvrđenih zakonom ili na osnovu odluke Skupštine Društva.

Član 44.
Poslovna tajna

Ukoliko članovi Društva saopšte Društvu ili drugom članu Društva pojedine informacije i podatke koje se odnose na tehnička, komercijalna i finansijska pitanja, te tehnologiju i know-how, a koje član Društva želi zadržati kao poslovnu tajnu, članovi Društva i samo Društvo su dužni čuvati poslovnu tajnu za svo vrijeme trajanja ovog Ugovora, kao i pet godina po, eventualnoj, likvidaciji Društva.

O načinu označavanja i čuvanja "poslovne tajne" članovi Društva i Društvo će se naknadno pismeno sporazumjeti.

Član 45.
Viša sila

Višom silom se smatraju svi događaji na koje ugovorne strane ne mogu utjecati, a koji za posljedicu imaju onemogućavanje jedne ili obje ugovorne strane da realizira svoju ugovornu obavezu.

Viša sila obuhvata, ali nije ograničena, na zabrane i odluke državnih organa, nereda, rat, neprijateljstva, javne nemire, štrajkove, radničke sporove i prekide rada, ispade ili prekide transporta ili transportnih sredstava, epidemije, požare, poplave, potrese ili druge prirodne nesreće.

Ugovorna strana, koja je u slučaju više sile iz prethodnog člana, onemogućena da realizira svoju obavezu, dužna je odmah obavjestiti drugu ugovornu stranu, o nastanku više sile. Obje strane se obavezuju da će preduzimati sve razumne mjere, kako bi smanjile štetu koja može nastati djejtvom više sile. U slučaju djejtva više sile nijedna od ugovornih strana ne odgovara za štetu, povećane troškove ili gubitak koji može pretrpjeti druga ugovorna strana, zbog djejtva više sile.

Nerealizovanje ugovorne obaveze zbog djejtva više sile se ne smatra kršenjem ovog Ugovora.

Ugovorna strana koja se poziva na djejtvo više sile dužna je preduzeti sve primjerene mjere da smanji posljedice djejtva više sile na najmanju moguću mjeru ili da ih otkloni i da, u najkraćem mogućem vremenu nastavi sa realizacijom svoje obaveze.

Član 46.
Odluke nadležnih organa

Ukoliko državni organ donese rješenje ili odluku kojom bi onemogućio osnivanje TTU energetik d.o.o Tuzla na način i pod uslovima predviđenim u „Elaborata tehno-ekonomske opravdanosti formiranja privrednog Društva za proizvodnju i održavanje transportnih sistema u energetskom sektoru u zajedničkom vlasništvu EP BiH i RMU Banovići“, ugovorne strane će, ukoliko je to moguće, pristupiti izmjenama i dopunama ovog Ugovora .

Rješenje ili odluka državnog organa iz prethodnog stava obuhvata, ali nije ograničena, na odluke Konkurencijskog vijeća i dr.

Član 47.

Period na koji se osniva Društvo

Društvo se osniva na neodređeno vrijeme.

Član 48.

Ovlašteno lice

Ovlašteno lice za podnošenje prijave za upis osnivanja Društva u registar poslovnih subjekata i za vođenje poslovanja, zastupanje i predstavljanje Društva u funkciji vršioca dužnosti direktora Društva u periodu od dana osnivanja do imenovanja Direktora Društva, je

Član 49.

Rješavanje sporova

Za sve eventualne sporove, koje članovi Društva ne budu mogli riješiti sporazumnim putem, utvrđuje se mjesna nadležnost stvarno nadležnog suda u sjedištu Društva.

Član 50.

Opći akti Društva

Na sva pitanja koja nisu regulirana ovim Ugovorom, a ne budu regulirana statutom Društva primjenjuju se odgovarajuće zakonske odredbe.

Statut Društva će se donijeti najkasnije u roku od 60 dana od dana upisa Društva u sudski registar, nakon čega će se donijeti i drugi opći akti Društva.

Član 51.

Osnivačka Skupština

Članovi se obavezuju da Osnivačku Skupštinu sazovu najkasnije u roku od 30 dana od dana upisa Društva u sudski registar.

Član 52.

Izmjene i dopune Ugovora

Sve izmjene i dopune ovog Ugovora se vrše u pismenoj formi na način predviđen za njegovo zaključivanje i valjane su danom njihovog potpisa od strane osnivača, izuzev u postupku ispravki po nalogu suda ili drugih nadležnih organa, te se ovlašćuju potpisnici ovog Ugovora da izvrše korekcije ovog Ugovora u skladu sa eventualnim zahtjevima nadležnih organa.

Član 53.
Odgovornost za raskid Ugovora

U slučaju neizvršenja obaveze uplate, odnosno unosa osnivačkog uloga u rokovima utvrđenim ovim Ugovorom, član koji nije izvršio tu svoju obavezu snosi odgovornost za, eventualni, raskid ugovora i štetu koju je prouzrokovao drugom osnivaču.

Član 54.
Troškovi osnivanja

Troškove osnivanja Društva snose osnivači srazmjerno udjelima. Troškovi osnivanja ne mogu biti plaćeni iz osnovnog kapitala niti se mogu kao ulog pripisati osnovnom kapitalu.

Ukupni procijenjeni troškovi osnivanja iznose 2.000,00 KM, od čega JP Elektroprivreda BiH d.d. – Sarajevo snosi 1.600,00 KM (jednahiljadaišeststotina KM), a RMU Banovići d.d. Banovići 400,00 KM (četirstotine KM).

U slučaju potrebe za dodatnim sredstvima iz stava 1. ovog člana osnivači će iste snositi srazmjerno svojim ulozima.

Član 55.
Broj primjeraka Ugovora

Ovaj Ugovor je zaključen u 10 (deset) istovjetnih primjeraka, po 3 (tri) za svaku ugovornu stranu, 3 (tri) za potrebe registracije Društva, a 1 (jedan) za potrebe Društva.

Član 56.
Stupanje na snagu

Ovaj Ugovor stupa na snagu danom _____,

JP Elektroprivreda Bosne i Hercegovine d.d. –
Sarajevo,
Wilsonovo šetalište 15, Bosna i Hercegovina

Generalni direktor

Bajazit Jašarević

Izvršni direktor za proizvodnju

Dr.sc. Nevad Ikanović

Rudnik mrkog uglja Banovići d.d.
Banovići, Armije BiH 52, Banovići,
Bosna i Hercegovina,

Generalni direktor

Dr.sc. Munever Čerčić